



Progresu no Dezafiu Kooperasaun Defeza Timor-Leste

Mahein Nia Lian Nú 59, 27 Setembru 2013



XIV REUNIÃO DOS MINISTROS DA DEFESA NACIONAL DA CPLP
MAPUTO, 21 A 22 DE MAIO DE 2013



Relatoriu Ida ne'e Realiza Tanba Hetan Tulun Orsamentu husi
UNDP Timor-Leste, Embaxada Finlandia iha Jakarta no Povu Amerikanu Liu Husi USAID



www.fundasaunmahein.org

Kontiudu Sira

I. Introdusaun	3
II. Metodolojia	3
III. Bloku Komunidade Ko'alia Lian Portuges ka CPLP.....	2
IV. Nasaun sira iha Rejiaun ASEAN no Momentu ne'ebé Timor-Leste Prepara Adere ba ASEAN	6
V. Nasaun sira iha Rejiaun Azia Pasifiku no Timor-Leste nia Responsabilidade Hodi responde Ameasa iha Rejiaun Azia Pasifiku.....	8
VI. Konkluzau	12
VII. Rekomendasaun	12
Bibliografia	14

I. Introdusaun

Depois Transformasaun FALINTIL ba F-FDTL, forsa armada Timor-Leste orienta nia-an tuir transformasaun mudansa global ne'ebé la'o iha mundu tomak. Hare'e ba kondisaun nasaun Timor-Leste hanesan nasaun ki'ik ne'ebé maka foin ukun-an liu tinan sanulu-resin nia laran, iha limitasaun oin-oin iha area rekursu umanu, material no teknolojia ba dezenvolvimentu F-FDTL.

Hodi hetan milítar ne'ebé profesionál, Governu - Estadu iha obrigasaun atu aumenta kapasidade milítar iha area dezenvolvimentu ba rekursu umanu hodi fornese edukasaun oin-oin, treinamentu tekniku milítar no kursu profesional sira.¹ Inklui apoiu seluk hanesan ekipamentus militar ne'ebé presiza mos ajuda husi nasaun sira seluk liu husi kooperasaun milítar.²

Kooperasaun defeza Timor-Leste ne'ebé durante ne'e la'o, intensifikasaun kooperasaun ho viziñu sira hanesan Australia no Indonezia no nasaun sira seluk iha rejiaun ASEAN, países potensia ekonomiku sira inklui bloku comunidade ko'alia lian Portuges ka *Comunidade das Países Lingua Portugues* – CPLP no nasaun sira iha rejiaun Asia Pasifiku nian.

Kooperasaun hirak ne'e Timor-Leste ativu tebes no kontinua hametin iha area formasaun sira ne'ebé nesesita ba F-FDTL no husi knáal bilateral sira nia tulun kontinua promove instituisaun F-FDTL iha nivel comunidade internasional. Maibe presiza rekuiñese mos katak kooperasaun defeza ne'ebé halo sei iha liña entre progresu no dezafiu nia laran.

II. Metodolojia

Relatoriu peskiza ne'e halo análiza ba progresu no dezafiu kooperasaun defeza Timor-Leste nian ne'ebé durante ne'e konduz husi Governu Timor-Leste. Metodolojia ne'ebé adopta iha peskiza ne'e maka Fundasaun Mahein (FM) hala'o diskusaun iha ekipa peskiza nian hodi análiza ba prosesu dezenvolvimentu instituisaun defeza. Saida maka sai hanesan progresu no dezafiu iha lasu kooperasaun defeza Timor-Leste nian nu'udar metodu ne'ebé adopta maka *Security Sector Discussion* (SSD).

Iha peskiza ne'e halo entrevista ho ofisial superior instituisaun F-FDTL nian na'in ida, Sekretaria Estadu Defeza na'in ida no organizesaun sosiedade sivil sira. Hafoin prosesu ne'e la'o, estudu kontinua konfirma mos ho dokumentu defeza nian ne'ebé FM asesu no públikasaun sira iha media nasional no públikasaun sira husi instituisaun defeza no militar nian.

¹ DISIS. (2012, Juñu). Kooperasaun Defeza Timor Leste - Australia Intermus *FOREIGN MILITARY AID*. <http://www.disis-tl.org/wp-content/uploads/2012/06/DRAF-WORKING-PAPER-GRUPO-DEFEZA-jdi.pdf>

² RDTL. (Dezemburu 2010-Juñu 2011). Kooperasaun Defeza Entre Timor Leste no Brasil. Jurnal Defesa.p3.

III. Bloku Komunidade Ko'alia Lian Portuges ka CPLP

Iha bloku CPLP nian kompostu husi Portugal, Brazil, Angola, Mocambique, São Tome e Principe, Cabo-Verde, Timor-Leste no Guine-Bissau. Timor-Leste ativu tebes, pratikamente hatudu tiha ona iha nasaun sira membru CPLP nian, iha ezersisiu ida kuiñesidu ho "Ezersisiu Felino" ezersita forsa CPLP ninian no preparativu ho objetivu atu manan esperiensa hodi kapasita F-FDTL iha treinu konjuntu kombinadu nia laran no preparativu ba F-FDTL bele involve iha operasaun paz wainhira Nasoens Unidas prezisa Timor-Leste nian prezensa.³

Ezersisiu ida ne'e kompostu ema na'in rua nolu husi F-FDTL ne'ebé realiza iha Cabo-Ledo, Angola. Materia ezersisiu nian maka: *Choque*; atu oinsa bele halo asaun hasoru asaun demostrasaun sira ne'ebé grupu juventude sira halo. *Escolto Entidade*; oinsa halo siguransa ba autoridade ruma ka eskolta. *Escolta Comboio*; oinsa halo siguransa ho transporte no kona-bá apoiu umanitaria.⁴ Liu husi bloku comunidade ne'e Timor-Leste kontinua intensifika kooperasaun defeza ho membru nasaun CPLP sira hanesan Portugal no Brazil ne'ebé foka ba seitor importante sira hanesan formasaun rekursu umanu no formasaun instituisaun nian.⁵

Nasaun Portugal rasik durante ne'e fo treinamentu ba membru F-FDTL kona-bá militar baziku no avansadu.⁶ Fo kursu nivel oficiais superior, nivel kapitaun inklui kursu jeneral nian.⁷ Fo apoiu asesoria ba instituisaun F-FDTL, kursu lingua Portuges, fasilita formasaun no rekrutamentu membru F-FDTL.⁸ Kursu kona-bá instrutor militar ba membru F-FDTL⁹, inklui fasilita kursu fuzileirus Navais sigundu etapa nian ba membru F-FDTL hamutuk 32 iha Metinaro.¹⁰

Portugal kontinua apoiu no promove F-FDTL iha nivel comunidade internacional. Hatudu prezensa F-FDTL iha operasaun da paz iha mandatu Nasoens Unidas nian. Pratikamente F-FDTL hamutuk ho Kontijente Força Armada Portugal nian hala'õ misaun forsa manutensaun ba paz iha Libanon.¹¹

³ Carceres. (2012, Agostu 18-19). Treino Conjunto Entre Forças Hosi Países CPLP iha Angola ho naran "EXERCICIO FELINO". Buletin das F-FDTL. Vol.286.p20-21.

⁴ Carceres. (2012, Agostu 18-19). Treino Conjunto Entre Forças Hosi Países CPLP iha Angola ho naran "EXERCICIO FELINO". Buletin das F-FDTL. Vol.286.p20-21.

⁵ RDTL. (Dezemburu 2010-Juñu 2011). Cooperasaun Defeza Entre Timor Leste no Brasil. Jornal Defeza.p3.

⁶ Hanjam, Shinta. Jornalista. (2012, Agostu 23). Planu Dezenvolvimentu Força F-DTL atu Atinji Planu 2020. TVTL, programa Sala de Redação.

⁷ RDTL. (Dezemburu 2010-Juñu 2011). Protugal Prontu Simu F-FDTL Para Partisipa iha PKO. Buletin Defeza Nasional.p27.

⁸ Gonçalves, Martinho. Diretór Nasional de Planeamentu Estratejiku no Politika Internacional (2013, Marsu 27). Entrevista Pesoal.

⁹ Salsinha, Oscar. (2012, Novemburu 09). Portugal-F-FDTL Hametin Koperasaun Militar. Jornal Suara Timor Lorosa'e.

¹⁰ Officiais FALINTIL-FDTL Hamutuk 24 Pesoas Tuir Kursu Promosaun Kapitaun. (2012, Agosto 18-19).Buletin das F-FDTL.p6.

¹¹ Fundasaun Mahein. (2012, Agostu 06). Politika Ministériu Defeza no Siguransa Periodu 2007 – 2012. Mahein Nia Hanoin Nú. 02.

Parte seluk, Brazil ne'ebé kontinente diferente iha bloku comunidade ko'alia lian Portuges, hanesan sumbriña comunidade CPLP asina akordu tekniku ida iha tinan 2002 ho Timor-Leste ne'ebé konsentra deit ba treinamentu ba Polisia Milítar (PM). Kontinua iha tinan 2010 Governu Timor-Leste no Governu Republika Federal Brazil asina akordu kooperasaun defeza nian.¹² Akordu ida ne'e nu'udar akordu jeral ne'ebé sai sumbrina ba kooperasaun tekniku hanesan treinamentu ba Polisia Milítar, Brazil apoiu hari'i Komponente Aero F-FDTL iha futuro.¹³

Iha akordu ne'e mos ko'alia kona-bá vizita mutual delegasaun altu nivel no reuniaun representante institutu defeza nian, Brazil ajuda instrutor milítar sira, eventu kultural no desportu milítar no materia defeza nian ne'ebé iha lisaun importante ba F-FDTL.¹⁴ Nune'e mos iha akordu ne'e SED Julio Tomas Pinto hatete Brazil hanesan nasaun boot iha Amerika Latina iha teknolojia aeronotika modernu, ne'ebé husu Brazil nia apoiu ajuda hari'i Komponente Aero ba F-FDTL iha futuro nune'e Timor-Leste bele iha kbi'it kontrola no defeza Aero iha Timor-Leste.¹⁵

Klaru katak Komponente Aero hanesan komponente integrada ida husi forsa armada maibe Timor-Leste prezisa estuda husi esperiensa iha Komponente Naval nian ne'ebé lalais los hola ro husi Xina maibe kondisaun la favoravel atu halo operasaun ba ro hirak ne'e. Portu ba Komponente Naval kontinua sai problema inklui operasaun no manutensaun ba ro hirak ne'e.

Preokupasaun hanesan hato'o husi Xefi Estadu Maior Jeneral F-FDTL Lere Anan Timur, Governu tenki kria kondisaun diak hodi hari'i Komponente Aero, ne'ebé Governu prepara dadauk ona rekursu umanu estuda kona-bá pilotazen no tekniku ba manutensaun nian.¹⁶

Maske kooperasaun defeza entre Timor-Leste ho nasaun bloku CPLP hatudu progresu maibe area formasaun sira ne'ebé durante ne'e Governu husi bloku CPLP sira fornese, partikulamente Portugal no Brazil liu husi kooperasaun durante ne'e maka problema ho lingua Portuges wainhira membru F-FDTL tuir formasaun milítar, tantu iha rai laran no rai liur.¹⁷ Ne'ebé sai mos preokupasaun boot ba lideransa sira husi instituisaun F-FDTL tanba nu'udar obstaklu ida ba prosesu dezvoltamentu instituisaun defeza.¹⁸

¹² Fundasaun Mahein. (2011, Abril 18). Mehi no Realidade ba Dezenvolvimentu no Professionalizmu Forsa FALINTIL-FDTL. Mahein Nia Lian Nú.18.pdf.

¹³ Fundasaun Mahein. (2011, Abril 18). Mehi no Realidade ba Dezenvolvimentu no Professionalizmu Forsa FALINTIL-FDTL. Mahein Nia Lian Nú.18.pdf.

¹⁴ RDTL. (Dezemburu 2010-Juñu 2011). Cooperasaun Defesa Entre Timor Leste no Brasil. Jurnal Defesa.p4-5

¹⁵ RDTL. (Dezemburu 2010-Juñu 2011). Cooperasaun Defesa Entre Timor Leste no Brasil. Jurnal Defesa.p4-5

¹⁶ RDTL. (Dezemburu 2010-Juñu 2011). Cooperasaun Defesa Entre Timor Leste no Brasil. Jurnal Defesa.p4-5

¹⁷ Hanjam, Shinta. Jornalista. (2012, Agostu 23). Planu Dezenvolvimentu Forsa F-DTL atu Atinji Planu 2020. TVTL, Programa Sala de Redaçãõ.

¹⁸ Paixãõ, Filomeno. (2013, Setemburu 12). Vise Xefi Estadu Maior F-FDTL. Entrevista pesoal

IV. Nasaun sira iha Rejiaun ASEAN no Momentu ne'ebé Timor-Leste Prepara Adere ba ASEAN

Adezaun Timor-Leste ba ASEAN, Sekretariu Estadu Defeza - SED Julio Tomas Pinto hato'o tiha ona iha tinan 2010 katak tuir jeo-politika no jeo-estrategia ASEAN hanesan dalam ida ba Timor-Leste bele hetan estabilidade siguransa no kontribuisaun Timor-Leste ba siguransa rejional nian. Iha kontestu ekonomiku, Timor-Leste tama ASEAN sei hetan benefisiu boot iha futuru no dadaun ne'e Timor-Leste hanesan membru ba ASEAN Rejional Forum (ARF).¹⁹

Iha ambitu interese estratéjiku Timor-Leste iha rejiaun ASEAN nian, Timor-Leste ativu tebes iha forum rejional sira iha ASEAN hanesan ARF. No, kontinua fortifika lasu amizade ho nasaun sira membru ASEAN iha seitór importante sira, partikularmente kooperasaun defeza nian.²⁰ Nu'udar parte ida husi esforsu Governu nian hodi fortifika instituisaun defeza Timor-Leste ne'ebé hatúur tiha ona iha Planu Estratéjiku Dezenvolvimentu Forsa 2001 – 2017.²¹

Kooperasaun defeza entre Timor-Leste ho nasaun membru ASEAN sira durante ne'e hetan progresu diak ba dezenvolvimentu rekursu umanu iha instituisaun F-FDTL.²² Ezemplu; Governu Indonezia fasilita treinamentu ba FALINTIL-FDTL kona-bá Marina no kursu militar ba ofisial superior iha LEMHANAS Jakarta, entre 2009 to'o 2011.²³ Kontinua mos fortifika relasaun siguransa koletivu ba kombate ameasa non konvensional sira hanesan terorista, spionazen, trafiku ilegal, no pirataria. Inklui siguransa maritima no kordenasaun F-FDTL no TNI hodi kontrolu zona fronteira trestre nian.²⁴

Nomos komitmentu Indonezia atu fo kreditu roo patrollamentu rua ba Timor-Leste hodi halo siguransa iha maritima Timor-Leste.²⁵ Inklui Tanki (panser) ne'ebé produz husi PT. PINDAD - Indonezia.²⁶ Iha 2012, Governu Indonezia fo ona apoiu ekipamentu militar (Kainaun 6) ba instituisaun F-FDTL.²⁷ Sei asina mos akordu kooperasaun tekniku militar iha tempu badak

¹⁹ RDTL. (Dezemburu 2010 – Juñu 2011). Coperasaun Defeza Entre Timor-Leste no Brasil, "Hari'i Componente Aero" Jurnal Defeza Nasional.p4.

²⁰ RDTL. (Dezemburu 2010 – Juñu 2011). Coperasaun Defeza Entre Timor-Leste no Brasil, "Hari'i Componente Aero" Jurnal Defeza Nasional.p4.

²¹ Maia Goncalves, Martinho. (2013, Setembru 12). National Direction for Strategic Planning and International Policy (NDSPIP). Entrevista pesoal.

²² Maia Goncalves, Martinho. (2013, Setembru 12). National Direction for Strategic Planning and International Policy (NDSPIP). Entrevista pesoal.

²³ Fundasaun Mahein. (2012, Agosto 06). Política Ministériu Defeza no Siguransa Periodu 2007 – 2012. Mahein Nia Hanoin Nú. 02.p10.

²⁴ Portal Governu. (2010, Juñu 20). Hametin Kooperasaun Militar Timor-Leste ho Indonézia: <http://timor-leste.gov.tl/?p=3281&n=1&lang=tp>

²⁵ Linawati, Mevi. (2011, Marsu 22). Timor Leste Beli Alat Militer dari Indonesia. Media online inilak.com. <http://artis.inilah.com/read/detail/1348162/URLTEENAGE#.UYsTuUrtWQE>

²⁶ Mulia, Prima. (2012, Setembru 02). Timor Leste Pesan Panser Dari Pindad. Media tempo.com. <http://www.tempo.co/read/news/2012/09/02/093426935/Timor-Leste-Pesan-Panser-dari-Pindad>,

²⁷ Fundasaun Mahein. (2012, Agosto 06). Política Ministériu Defeza no Siguransa Periodu 2007 – 2012. Mahein Nia Hanoin Nú. 02.p13.

nu'udar kontinuasaun husi enkontru entre lideransa husi instituisaun defeza nasaun rua antes ne'e.²⁸

Parte seluk, Nasaun Filipina no Malazia mos kontinua forma rekursu umanu instituisaun defeza Timor-Leste. Governu Filipina fo bolsu estudu ba membru F-FDTL na'in Sanolu hodi tuir kursu pilotu enjenaria, pilotu enjenaria elektronika no pilotu enjenaria mekániku no seluk tan.²⁹ Nune'e mos Governu Malazia sei fo formasaun tatika milítar ba membru F-FDTL iha futuru.³⁰ Malazia mos fo ona apoiu ekipementu milítar (transporte) ba instituisaun refere.³¹ Sorin seluk, nasaun Singapura fo apoiu ba formasaun mediku nian ba membru F-FDTL atu nune'e bele fortifika atividade *Civil Militar Cooperation* iha futuru.³²

Intermuz kooperasaun defeza entre Timor-Leste ho nasaun sira iha rejiaun ASEAN hetan progresu diak maibe seidak hatur iha planu estratejia hodi define lolos modelu treinamentu ka ezersisiu milítar saida maka Timor-Leste atu adopta iha rejiaun ASEAN nian. Modelu jestaun defeza saida maka Timor-Leste atu aplika iha ASEAN, wainhira Timor-Leste atu adere ba ASEAN.³³ Kestaun seluk maka to'o ohin loron Governu Timor-Leste seidak lori MoU kona-bá kooperasaun defeza ho nasaun Indonezia ba Parlamentu Nasional atu halo aprovasaun.³⁴

Nune'e mos kooperasaun defeza entre Timor-Leste ho nasaun ASEAN balu seidak asina nota intedementu, iha deit akordu entre instituisaun milítar.³⁵ Ida ne'e sai preokupasaun ba lideransa masimu F-FDTL no husu Governu fo konsideransaun kona-bá prosedementu legal ba kooperasaun defeza Timor-Leste ho nasaun estranjeiru sira.³⁶ Tanba, kestaun legal (MoU) maka sei define kona-bá kooperasaun ninia lala'ok no garante ba atividade saida deit ne'ebé hala'o entre nasaun Timor-Leste no nasaun sira iha area kooperasaun defeza nian.³⁷

Governu Timor-Leste presiza dezenvolve MoU ne'ebé asina ona entre nasaun iha rejiaun ASEAN atu nune'e bele orienta formasaun milítar ba nivel altu hanesan kursu kona-bá estratejia defeza nian. Nune'e mos presiza tebes hare'e fila fali substansia kooperasaun Timor-Leste ho

²⁸ Da Costa, Joao. (2013, Setembru 19). Maijen Lere Hametin Lasu Kooperasaun Milítar ho Nova Zelandia. *Jornal Independente*.

²⁹ PI-F-FDTL. (Dez 2010 – Jun 2011). F-FDTL Sei Iha Pilotu Aviaun. *Jornal Defeza Nasional*.p15.

³⁰ Car & adp. (Dez 2010-Juñu 2011) SED Kontinua Kria Koperasaun Milítar ho Malazia. *Jornal Defeza Nasional*.p13.

³¹ Tomas Pinto, Julio. (2010). DEZENVOLVIMENTU SETÓR DEFEZA TIMOR LESTE : Dezafus no Obstakulu iha Futuru. <http://www.presidencia.tl/por/militar/web/2010docm3/Julio%20Tomis%20Pinto%20TETUM.pdf>

³² Paixão, Filomeno. (2013, Setembru 12). Vise Xefi Estadu Maior FALINTIL-FDTL. Intervista pesoal.

³³ Freitas, Antonio. (2013, Jullu 29). Diretúr Dili Institute of Strategic and International Studies. Intervita pesoal

³⁴ Fundasaun Mahein. (2012, Agosto 06). Polítika Ministériu Defeza no Siguransa Periodu 2007 – 2012. Mahein Nia Hanoin Nú. 02.p14.

³⁵ Freitas, Antonio. Diretúr Dili Institute of Strategic and International Studies – DISIS. (2013, Jullu 29). Intervita pesoal

³⁶ Paixão Filomeno. (2013, Setembru 12). Vise Xefi Estadu Maior FALINTIL-FDTL. Intervista pesoal.

³⁷ Freitas, Antonio. (2013, Jullu 29). Diretúr Dili Institute of Strategic and International Studies. Intervita pesoal

nasaun sira iha rejiaun ASEAN hodi nune'e dezeña tuir planu estratejiku bazeia ba progresu defeza nasaun sira iha rejiaun ASEAN nian.³⁸

Maske dadaun ne'e Governu esforsu hela hodi lori Timor-Leste ba adezaun ASEAN maibe intermuz perparasaun seitór defeza ne'ebé sai hanesan fatór importante ba determinasaun adesaun Timor-Leste ba ASEAN sei namlele hela.³⁹ Presizamente iha planu política oinsa dezeña estratéjia milítar tuir nesesidade ASEAN nian liu husi knaal bilateral ne'ebé durante ne'e establese ona.⁴⁰

Tanba tuir política siguransa ASEAN define ona kona-bá siguransa koletiva ne'ebé Timor-Leste prezisa iha konseitu ne'ebé koresponde ho estratéjia defeza ne'ebé define ona iha kontestu ASEAN nian. Durante ne'e Timor-Leste barak liu halo ezersisiu modelu CPLP ne'ebé ninia orientasaun halai ses husi konseitu defeza iha rejiaun ASEAN.⁴¹ Realidade, instituisaun F-FDTL rasik seidauk preparadu hodi kompete ho milítar sira husi nasaun sira membru ASEAN ne'ebé maiz avansadu.⁴² Tuir Fundasaun Mahein ne'e nu'udar home work ida ba Governu atual no iha futuru atu define lolos konseitu kooperasaun defeza ho nasaun sira iha rejiaun ASEAN hodi nune'e bele adapta an hodi responde ameasa global sira iha rejiaun ASEAN.

V. Nasaun sira iha Rejiaun Azia Pasifiku no Timor-Leste nia Responsabilidade Hodi responde Ameasa iha Rejiaun Azia Pasifiku

Atu responde ameasa global ne'ebé dadaun mosu era globalizasaun ne'e, fanu nasaun hotu-hotu iha mundu hodi hametin relasaun bilateral iha seitór importante sira, partikularmente seitór defeza nian. Nu'udar nasaun foun, Timor-Leste kontinua kria lasu amizade ho nasaun sira iha rejiaun ASEAN no Azia Pasifiku.⁴³

Iha kontestu política siguransa no defeza rejionál entre Sudeste Aziatiku no Azia Pasifiku hodi orienta bazeia ba geo-estratéjia Timor-Leste sai nu'udar fatin estratéjia ba nasaun boot sira hanesan Amerika no nasaun sira seluk iha Azia Pasifiku (Xina, no Australia) atu kria no instala futuru baze milítar hodi kontrola ameasa sira husi non-konvesional no konvensional, espesial ameasa rekursus maritima.⁴⁴

³⁸ Freitas, Antonio. (2013, Jullu 29). Diretúr Dili Institute of Strategic and International Studies. Intervita pesoal

³⁹ Sei namlele signifika seidauk preparadu no prezisa kapasita intermus de rekursu umanu, investimentu ba infra-estrutura no fasilidade sira ne'ebé apoiu ba serbisu forsa armada nian.

⁴⁰ Freitas, Antonio. (2013, Jullu 29). Diretúr Dili Institute of Strategic and International Studies. Intervita pesoal.

⁴¹ Freitas, Antonio. (2013, Jullu 29). Diretúr Dili Institute of Strategic and International Studies. Intervita pesoal.

⁴² Paixão Filomeno. (2013, Setembru 12). Vise Xefi Estadu Maior FALINTIL-FDTL. Intervista pesoal.

⁴³ Silveira Gregorio, Julio. (2012, Jullu 12). Konstelasaun Política Ázia Pasifiko ba Seguranças Defeza Sudeste Aziatiku; Perspetiva Timor-Leste. Relatoriu DISIS.p2.

⁴⁴ Silveira Gregorio, Julio. (2012, Jullu 12). Konstelasaun Política Ázia Pasifiko ba Seguranças Defeza Sudeste Aziatiku; Perspetiva Timor-Leste. Relatoriu DISIS.p3.

Hare'e husi dinamika siguransa iha Azia-Pasifiku ba iha Ázia Leste ne'ebé bele mos fo ameasa ba siguransa iha rejiaun Sudeste Aziatiku no Timor-Leste iha futuru maka Timor-Leste foti kedan medida diplomasia ho nasaun sira iha Azia Pasifiku hanesan Xina, Amerika, Australia no nasaun sira seluk atu bele garante siguransa no estabilidade iha teritoriu Timor-Leste.⁴⁵ Ne'e parte ida husi política Governu nian atu dezenvolve instituisaun F-FDTL inklui hari'i aliadu ida ne'ebé metin no forti hodi hasoru ameasa global iha rejiaun Azia Pasifiku.⁴⁶

Maske nune'e, Timor-Leste kontinua adopta konseitu *soft cooperation* ne'ebé foka liu ba kapasitasaun rekursu umanu. Pru-ezemplu, Australia liu husi *Defence Cooperation Program (DCP)* fo treinamentu militar ba F-FDTL, kursu enjeneria, lingua Ingles, komunikasaun, lojística no administrasaun, formasaun liderasan no disiplina militar, formasaun medíku, suporta asesoria militar no finansial iha nivel ministériu, hari'i infra-estrutura baziku ba F-FDTL.⁴⁷ Husi kooperasaun ne'e fo ona kontribuisaun ne'ebé pozitivu ba dezenvolvimentu instituisaun F-FDTL iha area rekursu umanu.⁴⁸

Maibe Governu presiza hare'e fila fali substanisa kooperasaun defeza entre Australia iha aspeitu formasaun no treinamentu. Tuir Diretúr DISIS Antonio Freitas katak implementasaun DCP entre Timor-Leste ho Australia laiha benefisiu signifikante ba dezenvolvimentu instituisaun F-FDTL. Tanba DCP fo deit treinamentu ba membru F-FDTL no laiha formasaun *high level* ne'ebé foka ba estratejia militar avasandu atu bele responde ameasa non-konvensional ne'ebé buras tebes iha rejiaun Azia Pasifiku.⁴⁹

Kestaun seluk maka kooperasaun defeza entre Australia no Timor-Leste seidak formalmente asina nota intendementu ruma, iha deit akordu entre instituisaun defeza Australia ho instituisaun F-FDTL.⁵⁰ Ne'e akontese tanba iha indikasaun husi kontiudu MoU ne'e ladun favorese ba política Governu Timor-Leste nian.⁵¹ Maibe asuntu ne'e, sai kestaun seriu ba lideransa instituisaun F-FDTL no husu Governu atu aslera lalais prosedementu legal kona-bá kooperasaun defeza ho nasaun sira iha rejiaun ASEAN no Azia Pasifiku.⁵²

⁴⁵ Silveira Gregorio, Julio. (2012, Jullu 12). Konstelasaun Política Ázia Pasifiko ba Seguranças Defeza Sudeste Aziatiku; Perspetiva Timor-Leste. Relatoriu DISIS.

⁴⁶ Maia Goncalves, Martinho. (2013, Setembru 12). National Direction for Strategic Planning and International Policy (NDSPIP). Entrevista pesoal.

⁴⁷ Institute For Security And Sustainability. (2013). Defence Cooperation Program (DCP) Timor-Leste: <http://nautilus.org/publications/books/australian-forces-abroad/east-timor/defence-cooperation-program-dcp-timor-lest/#axzz2NqfXTPL3>

⁴⁸ Paixão Filomeno. (2013, Setembru 12). Vise Xefi Estadu Maior FALINTIL-FDTL. Entrevista pesoal.

⁴⁹ Freitas, Antonio. (2013, Jullu 29). Diretúr Dili Institute of Strategic and International Studies. Entrevista pesoal.

⁵⁰ Fundasaun Mahein. ((2012, Agosto 06). Política Ministériu Defeza no Siguransa Periodu 2007 – 2012. Mahein Nia Hanoin Nú.02.p14.

⁵¹ Maia Goncalves, Martinho. (2013, Setembru 12). National Direction for Strategic Planning and International Policy (NDSPIP). Entrevista pesoal.

⁵² Paixão Filomeno. (2013, Setembru 12). Vise Xefi Estadu Maior FALINTIL-FDTL. Entrevista pesoal.

Nasaun Estadus Unidus Amerika - EUA ne'ebé nu'udar "super power" iha mundu mos apoiu dezenvolvimentu instituisaun defeza Timor-Leste hahu asina akordu ida iha Outubru 2002 ho naran *Status of Forces Agreement* – SOFA. Progresu ida husi akordu SOFA ne'e maka EUA fornese treinamentu marina ba membru F-FDTL iha 2009.⁵³ No, ezersisiu LAFAEK bazeia ba diskusaun entre instituisaun F-FDTL ho *Pacific Command*.⁵⁴ Fo ajuda ekipamentu (kilat) ba instituisaun F-FDTL, Iha tinan 2001.⁵⁵

Realiza ezersisiu CARAT (*Cooperation Afloat Readiness and Training*) entre Komponente Naval F-FDTL ho EUA.⁵⁶ Iha 2012, hala'o ezersisiu Cobra hamutuk entre Naval EUA ho F-FDTL iha Tasi-Tolu no Maliana.⁵⁷ No, tinan 2013 halo ezersisiu Cobra datoluk iha Suku Welaluhu, Sub Distritu Fatuberliu, Distritu Manufahi ne'ebé involve husi membru F-FDTL husi Komponente Trestre, Komponente Naval, Komponente Apoiu Servisu, Polisia Militar no seluk tan.⁵⁸

Maske kooperasaun defeza entre Timor-Leste ho Estadu Unidus Amerika to'o ohin loron la'o diak maibe Governu presiza halo revizaun ba akordu SOFA atu nune'e bele define lolos kona-bá prosesu operacional no treinamentu militar nian.⁵⁹ Tenki define klaru kona-bá modelu ezersisiu, treinamentu tuir area preoridade, uza ekipamentu (kilat) hira no modelu oinsa atu nune'e labele identiku hanesan demonstrasaun militar.⁶⁰

Tanba esperensia treinamentu konjunta entre forsa Naval Amerika no F-FDTL ne'ebé hala'o tinan hirak liu ba iha Manatuto halo komidade sai paniku relasiona ho uza ekipamentu modernu no la tuir espesifikasaun ruma. Nune'e mos bele define didiak oinsa kontribuisaun militar Timor-Leste hamutuk ho EUA hodi responde ameasa global sira wainhira mosu iha rejiaun Azia Pasifiku.⁶¹

Parte seluk, Xina nu'udar nasaun ne'ebé ninia influencia boot iha rejiaun Azia Pasifiku intermus ekonomia, defeza no siguransa sai mos targetu ba Timor-Leste iha kooperasaun defeza nian.⁶²

⁵³ Tomas Pinto, Julio. (2013, Abril 12). Joint Exercise FALINTIL-FDTL and U.S. MARINE: <http://juliotomaspinto.com/publication/117-joint-exercise-falintil-ftdl-and-us-marine.html>

⁵⁴ RDTL. (Dezemburu, 2010-Juñu 2011). Exerisiu Lafaek, Apriende Hodi La'o Ba Oin. Jornal Defeza.p6.

⁵⁵ Fundasaun Mahein. (2012, Agosto 06). Política Ministériu Defeza no Siguransa Periodu 2007 – 2012. Mahein Nia Hanoin Nú. 02.p13.

⁵⁶ Official Website of the United States Navy. (2013, Janeiro 25). U.S and Timor-Leste Naval Forces Build Maritime Partnerships: http://www.navy.mil/submit/display.asp?story_id=71640

⁵⁷ Tomas Pinto, Julio. (2013, Abril 11). Joint Exercise FALINTIL-FDTL and U.S. MARINE: <http://juliotomaspinto.com/publication/117-joint-exercise-falintil-ftdl-and-us-marine.html>

⁵⁸ Portal Governu. (2013, Janeiro 23). F-FDTL Undertakes 3rd Cobra Operation in Manufahi District. <http://timor-leste.gov.tl/?p=7638&n=1&lang=en>

⁵⁹ Paixão Filomeno. (2013, Setembre 12). Vise Xefi Estadu Maior FALINTIL-FDTL. Entrevista pesoal.

⁶⁰ Freitas, Antonio. (2013, Jullu 29). Diretúr Dili Institute of Strategic and International Studies. Entrevista pesoal.

⁶¹ Freitas, Antonio. (2013, Jullu 29). Diretúr Dili Institute of Strategic and International Studies. Entrevista pesoal.

⁶² Parada, Josefa. (2011, Juñu 19). Koperasaun TL–Cina Hametin Area Ekonomia no Edukasaun. Liberta Povo. <http://procnrt.blogspot.com/2011/06/koperasaun-tlcina-hametin-area-ekonomia.html>

Iha ambitu kooperasaun defeza nian, Governu Timor-Leste ho Xina halo akordu kona-bá sosa roo patrullamentu rua ne'ebé durante ne'e Komponente Naval uza ba atividade siguransa iha tasi Timor. Nomos kapasita membru F-FDTL iha treinamentu tekniku kona-bá operasaun roo.⁶³ Oferese kursu elitrisista no makinista ba Fujileirus Naval nian iha Xina.⁶⁴

Nasaun Japaun ne'ebé ninia instituisaun siguransa no defeza avasandu iha Azia Pasifiku mos la ses husi ajenda política Governu Timor-Leste iha ambitu kooperasaun defeza nian. Governu Japaun fo oportunidade ba membru F-FDTL nain Hat hodi hala'o estudu kona-bá militar iha Akademia Defeza Nasional Japaun nian.⁶⁵ Governu Japaun liu husi Embasador iha Timor-Leste asina ona ho akordu ho Governu Timor-Leste atu fo formasaun ba F-FDTL kona-bá jestaun dezastre naturais no kursu auto-mekaniku.⁶⁶

Nune'e mos nasaun Korea du Sul durante ne'e fo apoiu ekipamentu militar nian. Iha tinan 2011, Estadu Korea du Sul oferese roo ahi Tolu ba F-FDTL, partikularmente ba Komponente Naval atu fasilita atividade operasaun (siguransa) ba riku-soin tasi Timor-Leste.⁶⁷ Oferese treinamentu ba membru F-FDTL hamutuk 30 kona-bá navigasaun nian.⁶⁸

Parte nasaun Nova Zelandia kontinua apoiu ba kapasitasaun rekursu umanu instituisaun F-FDTL hanesan oferese bolsu estudu ba membru F-FDTL hodi estuda iha Universidade balun Nova Zelandia nian. Apoiu treinamentu tekniku militar kona-bá jestaun kilat, munisoens no lojistika no seluk tan.⁶⁹ Timor-Leste mos nafatin habelar kooperasaun defeza ho nasaun Israel iha parte navigasaun nian tanba Komponente Naval Israel diak liu iha mundu.⁷⁰

Esforsu Governu Timor-Leste hodi dezenvolve instituisaun F-FDTL liu husi kooperasaun defeza ho nasaun iha rejiaun Azia Pasifiku nu'udar komitmentu fundamental ne'ebé bazeia ba Planu Estratéjiku Dezenvolvimentu Forsa nian.⁷¹ Maibe kestaun importante sira ne'ebé sai dezafiu ida

⁶³ Fundasaun Mahein. (2011, Abril 18). Mehi no Realidade ba Dezenvolvimentu no Profesionalismu Forsa FALINTIL-FDTL. Mahein Nia Lian Nú.18.

⁶⁴ Fundasaun Mahein. (2012, Agosto 06). Política Ministériu Defeza no Siguransa Periodu 2007 – 2012. Mahein Nia Hanoin Nú. 02.

⁶⁵ RDTL. (2010, Maiu 10). Japaun hametin Kooperasaun Iha Área Defeza: <http://timor-leste.gov.tl/?p=2912&lang=tp>

⁶⁶ Dgx. (2013, Setembru 17). TL-Japaun Asina Akordu Formasaun ba F-FDTL. Jornal Diariu Nasional.

⁶⁷ Fundasaun Mahein. (2012, Abril 18). Mehi no Realidade ba Dezenvolvimentu no Profesionalismu Forsa FALINTIL-FDTL. Mahein Nia Lian Nú. 18.p12.

⁶⁸ Fundasaun Mahein. (2011, Outobru 21). Siguransa Maritima Timor-Leste Iha Situasaun Frajil. Mahein Nia Lian Nú. 23.p9.

⁶⁹ Car/adp. (Dezemburu 2010-Junhu 2011). Koperasaun Militar ho Nova Zelandia Importante. Buletin Defeza Nasional.p13.

⁷⁰ Presidential Archive Timor-Leste (East Timor). (2012, Februari 9). Prezidenti Repúblika simu membru forsa marineiru Israel:<http://presidenttimorleste.tl/?p=4388>

⁷¹ Maia Goncalves, Martinho. (2013, Setembru 12). National Direction for Strategic Planning and International Policy (NDSPIP). Entrevista pesoal.

maka susar atu sinkroniza matenek sira ne'ebé membru F-FDTL apriende husi nasaun hira ne'e hodi implementa iha instituisaun.⁷²

Nune'e mos Timor-Leste rasik seidauk asina MoU kona-bá kooperasaun defeza ho nasaun sira iha rejiaun ASEAN no rejiaun Azia Pasifiku. Pior liu tan maka kooperasaun defeza ne'ebé durante Timor-Leste hala'o ladun tama iha nivel altu hodi apriende estratéjia dezafia ona kapasidade membru F-FDTL hodi kompriende konstelasaun ameasa global iha rejiaun Azia Pasifiku.⁷³ Tanba Tuir Fundasaun Mahein katak wainhira hari'i defeza ida forte la'os deit presiza kapabilidade ekipamentu modernu maibe mos kapabilidade edukasaun militar nian.

VI. Konkluzau

Hafoin Timor-Leste ukun-an no depois transformasaun FALINTIL ba F-FDTL, forsa armada Timor-Leste orienta nia-an tuir transformasaun mudansa global ne'ebé la'o iha mundu tomak. Timor-Leste ne'ebé hanesan nasaun ki'ik ho ninia instituisaun defeza ne'ebé sei iha limitasaun oi-oin iha area rekursu umanu, material no teknolojia, Governu Timor-Leste habelar relasaun ho nasaun estranjeiru sira hodi dezenvolve instituisaun F-FDTL.

Durante tinan sanolu resin, Governu halo esforsu oi-oin hodi halo relasaun amizade ho nasaun sira iha rejiaun ASEAN, rejiaun Azia Pasifiku inklui bloku CPLP hodi dezenvolve instituisaun defeza Timor-Leste. Maibe presiza rekuiñese katak kooperasaun defeza entre Timor-Leste ho nasaun halo durante ne'e hala'o sei iha liña entre progresu no dezafiu nia laran. Kooperasaun defeza entre Timor-Leste ho nasaun sira barak maka seidauk asina MoU husi parte Governu hodi hakesi kooperasaun ne'e rasik, iha deit akordu entre instituisaun defeza.

VII. Rekomendasaun

1. Rekomenda ba Governu atu kontinua hametin kooperasaun bilateral ho nasaun sira iha rejiaun ASEAN, Azia Pasifiku no nasaun Bloku CPLP hodi dezenvolve instituisaun F-FDTL. Governu presiza define didiak konseitu politika treinamentu ne'ebé avansadu ba instituisaun F-FDTL atu nune'e bele responde ameasa global iha rejiaun ASEAN no Azia Pasifiku.
2. Rekomenda ba Governu atu halo revizaun ba akordu SOFA entre Timor-Leste no Estados Unidos Amerika inklui mos lori MoU ne'ebé asina ona ba Parlamentu Nasional atu halo aprovasaun.

⁷² Hanjam, Shinta. Jornalista. (2012, Agostu 23). Planu Dezenvolvimentu Forsa F-DTL atu Atinji Planu 2020. TVTL, Programa Sala de Redaçã

⁷³ Freitas, Antonio. (2013, Jullu 29). Diretúr Dili Institute of Strategic and International Studies. Intervita pesoal.

3. Rekomenda ba Governu presiza halo mudansa husi *soft cooperation* ba *hard cooperation* ne'ebé foka ba estratéjia militar atu nune'e F-FDTL bele iha kapasidade naton ho militar husi nasaun sira iha rejiaun ASEAN no Azia Pasifiku.

Bibliografia

- Car/adp. (Dezembro 2010-Junhu 2011). Koperasaun Milítar ho Nova Zelandia Importante Buletin Defeza Nasional.
- Carceres. (2012, Agostu 18-19). Treino Conjunto Entre Forças Hosi Países CPLP iha Angola ho naran “ EXERCICIO FELINO”. Buletin das F-FDTL. Vol.286.p20-21.
- Dgx. (2013, Setembru 17). TL-Japaun Asina Akordu Formasaun ba F-FDTL. Jornal Diariu Nasional.
- Da Costa, Joao. (2013, Setembru 19). Maijen Lere Hametin Lasu Kooperasaun Milítar ho Nova Zelandia. Jornal Independente.
- Fundasaun Mahein. (2012, Abril 18). Mehi no Realidade ba Dezenvolvimentu no Profesionalismu Forsa FALINTIL-FDTL. Mahein Nia Lian Nú.18.pdf.
- Fundasaun Mahein. (2011, Outobru 21). Siguransa Maritima Timor-Leste Iha Situasaun Frajil. Mahein Nia Lian Nú. 23.pdf.
- Fundasaun Mahein. (2012, Agosto 06). Política Ministériu Defeza no Siguransa Periodu 2007 – 2012. Mahein Nia Hanoi Nú. 02.pdf.
- Freitas, Antonio. (2013, Jullu 29). Diretúr Dili Institute of Strategic and International Studies. Intervita pesoal.
- Hanjam, Shinta. Jornalista. (2012, Agostu 23). Planu Dezenvolvimentu Forsa F-DTL atu Atinji Planu 2020. TVTL, Programa Sala de Redaçã
- Institute For Security And Sustainability. (2013). Defence Cooperation Program (DCP) Timor-Leste: <http://nautilus.org/publications/books/australian-forces-abroad/east-timor/defence-cooperation-program-dcp-timor-leste/#axzz2NqfXTPL3>
- Maia Goncalves, Martinho. (2013, Setembru 12). National Direction for Strategic Planning and International Policy (NDSPIP). Intervista pesoal.
- Official Website of the United States Navy. (2013, Janeiro 25). U.S and Timor-Leste Naval Forces Build Maritime Partnerships: http://www.navy.mil/submit/display.asp?story_id=71640
- Presidential Archive Timor-Leste (East Timor). (2012, Februari 9). Prezidenti Repúblika simu membru forsa marineiru Israel:<http://presidenttimorleste.tl/?p=4388>

Paixão Filomeno. (2013, Setembro 12). Vise Xefi Estadu Maior FALINTIL-FDTL.
Entrevista pessoal

Parada, Josefa. (2011, Junho 19). Koperasaun TL–Cina Hametin Area Ekonomia no Edukasaun.
Liberta Povo. <http://procnrt.blogspot.com/2011/06/koperasaun-tlcina-hametin-area-ekonomia.html>

PI-F-FDTL. (Dez 2010 – Jun 2011). F-FDTL Sei Iha Pilotu Aviaun.
Jurnal Defeza Nasional.

Portal Governu. (2013, Janeiro 23). F-FDTL Undertakes 3rd Cobra Operation in Manufahi
District. <http://timor-leste.gov.tl/?p=7638&n=1&lang=en>

RDTL. (2010, Maio 10). Japaun hametin Kooperasaun Iha Área Defeza: [http://timor-
leste.gov.tl/?p=2912&lang=tp](http://timor-leste.gov.tl/?p=2912&lang=tp)

Silveira Gregorio, Julio. (2012, Julho 12). Konstelasaun Política Ázia Pasifiko ba Seguranças
Defeza Sudeste Áziatiku; Perspetiva Timor-Leste. Relatoriu DISIS.

Salsinha, Oscar. (2012, Novembro 09). Portugal-F-FDTL Hametin Koperasaun Militar.
Jornal Suara Timor Lorosa'e.

Tomas Pinto, Julio. (2013, Abril 11). Joint Exercise FALINTIL-FDTL and U.S. MARINE:
<http://juliotomaspinto.com/publication/117-joint-exercise-falintil-fdtl-and-us-marine.html>